

UGOVOR o nabavci robe

Zaključen između Ugovornih strana:

1. **AKADEMIJA SCENSKIH UMJETNOSTI U SARAJEVU**, Obala Kulina bana br. 11, Sarajevo, koju zastupa dekan prof. Pjer Žalica (u daljem tekstu: Ugovorni organ)

i

2. **Audio Video Consulting d.o.o.**, ul. Azize Šaćirbegović 7 iz Sarajeva, koga zastupa direktor Nermin Dizdarević (u daljem tekstu: Prodavac)

ID broj: 4200025900000

Broj transakcijskog računa: 1401010001485297 otvoren kod Sberbank BH d.d.

Ovaj Ugovor se zaključuje na osnovu Odluke broj: 05-2/655-I od 04.12.2017. godine o izboru najpovoljnijeg ponuđača, koja je donesena nakon provedenog Konkurentskog postupka, za koji je dana 23.11.2017. godine na Portalu javnih nabavki BiH objavljeno Obavještenje o nabavci broj: 304-7-1-1-3-1/17

I. PREDMET UGOVORA

Član 1.

Predmet ovog Ugovora je nabavka robe- Teatarska I studijska rasvjeta (u daljem tekstu: oprema), za potrebe i po zahtjevu Ugovornog organa, u svemu prema Tenderskoj dokumentaciji i ponudi Prodavca broj: 05-2/685-II (T-59-11-2017) od 04.12.2017. godine (u daljnjem tekstu: Ponuda Prodavca), koja čini sastavni dio ovog Ugovora.

II. CIJENA

Član 2.

Ugovorne strane saglasno prihvataju cijenu opreme iz Ponude Prodavca u ukupnom iznosu od 32.492,45 KM bez PDV-a (slovima: tridesetdvijehiljadčetiristotinepedesetdva KM i 45/100). Cijena opreme iz stava (1) ovog Člana obuhvata sve troškove do isporuke opreme na adresu krajnjeg korisnika: Akademija scenskih umjetnosti, Obala Kulina bana 11, 71000 Sarajevo, raspakovano i povezano.

Ugovorena cijena iz stava 1. ovog Člana je fiksna i nepromjenjiva.

III. MJESTO ISPORUKE

Član 3.

Mjesto isporuke robe iz člana 1. ovog Ugovora je:
Akademija scenskih umjetnosti, Obala Kulina bana 11, 71000 Sarajevo, BiH.

IV. ROK I NAČIN ISPORUKE

Član 4.

Prodavac se obavezuje da će opremu iz člana 1. ovog Ugovora isporučiti u svemu pod uslovima iz Ponude Prodavca (vrsta, kvalitet, oznaka proizvođača, zemlja porijekla, cijena itd.) i to u roku od 45 (četrdesetpet) dana od dana zaključenja ovog Ugovora.
Prodavac je dužan da opremu isporuči u originalnom pakovanju.

Isporuka podrazumijeva i predaju detaljne tehničke i korisničke dokumentacije neophodne za instaliranje, za korištenje i održavanje opreme.

Član 5.

Kupac se obavezuje da preuzme opremu iz člana 1. ovog Ugovora pod uslovima i u količini iz Ponude Prodavca.

Prilikom preuzimanja opreme sastavlja se „Zapisnik o prijemu opreme“ koji potpisuju ovlaštena lica Ugovornog organa i Prodavca.

Eventualne prigovore na opremu Ugovorni organ je dužan iznijeti odmah, prilikom preuzimanja opreme, a najkasnije u roku od 5 dana od dana preuzimanja.

Član 6.

Prodavac je dužan da Ugovornog organa blagovremeno obavijesti o svim nepredviđenim okolnostima i slučajevima koji onemogućavaju izvršenje nabavke u roku iz člana 4. ovog Ugovora.

Prodavac je dužan da Ugovornog organa pismenim putem obavijesti odmah, a najkasnije 48 sati nakon pojave nepredviđenih okolnosti, kako bi isti cijeneći nastale okolnosti, mogao da razmatra eventualnu mogućnost produženja ugovorenog roka.

Za svaki dan kašnjenja u isporuci opreme do kojeg je došlo krivicom Prodavca, Prodavac se obavezuje da Ugovornom organu na ime ugovorne kazne plati 0,2 % od ugovorene vrijednosti opreme, a najviše 5 % (pet posto) od ukupno ugovorene vrijednosti opreme.

Prodavac je dužan platiti ugovornu kaznu u roku od 7 (sedam) dana od dana prijema zahtjeva za plaćanje od Ugovornog organa.

Ugovorni organ neće naplatiti ugovornu kaznu ukoliko je do kašnjenja došlo usljed više sile.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati, niti ih predvidjeti.

V. NAČIN PLAĆANJA

Član 7.

Ugovorne strane su saglasne da će Ugovorni organ izvršiti plaćanje preuzete opreme u roku od (30) trideset dana od dana prijema potpisane i ovjerene fakture od strane Prodavca. Prodavac dostavlja fakturu na Akademiju scenskih umjetnosti u Sarajevu, Obala Kulina bana 11, 71 000 Sarajevo po izvršenju svih ugovornih obaveza.

VI. OBAVEZE UGOVORNOG ORGANA

Član 8.

Ugovorni organ se obavezuje da:

-Prodavcu odredi termin za isporuku predmetne opreme;

- izvrši pregled isporučene opreme;
- da plati primljenu fakturu Prodavca, u skladu sa članom 8. stav (1) ovog Ugovora;

VII. OBAVEZE PRODAVCA

Član 9.

Prodavac se obavezuje da:

- izvrši sve radnje neophodne da oprema bude spremna za prijem kao što su: pakovanje, otprema, utovar, prevoz i osiguranje, obavljanje svih neophodnih administrativnih i komercijalnih formalnosti, te prevoz i istovar na adresi krajnjeg korisnika, provjera funkcionalnosti i kontrola svih funkcija i sve druge usluge u smislu pripreme opreme za prijem;
- snosi sve rizike do konačnog prijema opreme od strane krajnjeg korisnika;
- izvrši isporuku predmetne opreme na mjestu i u roku utvrđenom ovim Ugovorom;
- kvalitetno i uredno izvrši ovaj Ugovor u skladu sa nalogima Ugovornog organa, važećim propisima, pravilima i standardima struke za ovu vrstu posla, štiti prava i interese Ugovornog organa, te ga obavještava o toku realizacije Ugovora;
- riješi eventualne reklamacije Ugovornog organa potpisane od strane ovlaštenog predstavnika Ugovornog organa,
- ispostavi fakturu za isporučenu opremu.

VIII. GARANCIJA

Član 10.

Prodavac daje garanciju Ugovornom organu da oprema iz člana 1. ovog Ugovora odgovara u svemu tehničkim normativima i važećim propisima.

Prodavac garantuje funkcionisanje i tehničke karakteristike opreme iz člana 1. ovog Ugovora i odgovoran je za sve eventualne nedostatke i defekte na isporučenoj opremi.

Garantni rok za isporučenu opremu je definisan u svemu prema Tenderskoj dokumentaciji i ponudi Prodavca broj: T- 59- 11- 2017 od 04.12.2017. godine, koja čini sastavni dio ovog Ugovora.

Član 11.

U garantnom roku Prodavac se obavezuje da odmah započne sa popravkom ili zamjenom i otklanjanjem kvarova i nedostataka na isporučenoj opremi, ali najkasnije u roku od 2 (dva) dana od dana prijema opreme od strane Ugovornog organa.

Prodavac preuzima neispravnu i vraća popravljenju opremu u Sarajevu ili kroz mrežu ovlaštenih servisa.

Sve popravke u garantnom roku padaju na teret Prodavca.

Ukoliko Prodavac ne bude u mogućnosti da započne otklanjanje kvarova i nedostataka u roku od 2 (dva) dana od dana prijema obavještenja od Ugovornog organa, Ugovorni organ ima pravo da sam otkloni nedostatke ili da ovaj posao povjeri trećem licu o trošku Prodavca.

IX. RASKID UGOVORA

Član 12.

Ugovorni organ ima pravo raskinuti ovaj Ugovor i pravo na naknadu eventualne štete u slučaju ako Prodavac u cijelosti ili djelimično ne izvrši obaveze iz ovog Ugovora u ugovorenom roku, a koje nisu rezultat kašnjenja preuzetih obaveza Ugovornog organa.

Ugovor može biti jednostrano raskinut dostavom pismene obavijesti drugoj Ugovornoj strani (15) petnaest dana prije raskida.

Obavijest mora sadržavati razlog raskida ugovora.

U slučaju raskida ugovora, Ugovorne strane su saglasne da će u svemu izvršiti međusobne uzajamne obaveze nastale do tog roka, u skladu sa realizacijom ovog Ugovora.

X. ZAVRŠNE ODREDBE

Član 13.

Ugovorne strane su saglasne da se na sve međusobne odnose koji nisu definisani ovim Ugovorom, neposredno primjenjuju odredbe Zakona o obligacionim odnosima.

Član 14.

Ugovorne strane su saglasne da sve eventualne sporove rješavaju sporazumno, a u slučaju da sporazum nije moguć, ugovora se nadležnost stvarno nadležnog suda u Sarajevu.

Član 15.

Ovaj Ugovor stupa na snagu potpisom i ovjerom ovlaštenih predstavnika Ugovornih strana.

Član 16.

Ovaj Ugovor je sačinjen u (4) četiri istovjetna primjerka, od kojih po (2) dva primjerka zadržava svaka Ugovorna strana.

ZA UGOVORNI ORGAN

Dekan
Prof. Rješa Zalića

Broj:05-2/655-II
Sarajevo, 20.12.2017.godine



ZA PRODAVCA
Direktor

Broj: 22-12/17
Sarajevo, 22.12.2017